



Bilten Saveza općina i gradova Federacije Bosne i Hercegovine



Godina: XX

Datum: 22.12.2023.

Broj: 292

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

ODRŽANA 9. SJEDNICA PREDSJEDNIŠTVA SKUPŠTINE SAVEZA

Predsjedništvo Skupštine Saveza općina i gradova Federacije Bosne i Hercegovine je na Devetoj sjednici održanoj 07.12.2023. godine u Kiseljaku, između ostalog, razmatralo uticaj Zakona o električnoj energiji Federacije Bosne i Hercegovine na budžete jedinica lokalne samouprave. Ukazano je na ozbiljne probleme do kojih će doći



zbog najavljenog poskupljenja cijena električne energije jedinicama lokalne samouprave od 01.01.2024. godine. Najavljeno enormno poskupljenje cijena električne energije i do 250% bi dovelo u pitanje normalno funkcionisanje i servisiranje obaveza jedinica lokalne samouprave a što u konačnici može ozbiljno ugroziti sigurnost i javno zdravlje građana. Predsjedništvo Skupštine Saveza općina i gradova FBiH traži hitan razgovor sa Federalnim premijerom i resornim ministrom u cilju prevazilaženja postojeće situacije.

Također, Savez kao zakonski zastupnik jedinica lokalne samouprave zahtijeva hitno održavanje konferencije za medije u zgradi Parlamenta Federacije Bosne i Hercegovine na kojoj će se pored ovog pitanja kandidovati i pitanje Zakona o prostornom planiranju i korištenju zemljišta na nivou Federacije Bosne i Hercegovine i Zakona o građevinskom zemljištu Federacije Bosne i Hercegovine koji su u proceduri usvajanja.

SAOPĆENJE ZA JAVNOST SA KONFERENCIJE ZA MEDIJE - POSKUPLJENJE CIJENE EL. ENERGIJE UDAR NA FUNKCIONISANJE OPĆINA I GRADOVA



je kojima su općine i gradovi osnivači uvrste u pomenutu Odluku.

Viši saradnik za finansijska pitanja Saveza, gospodin Halko Basarić je istakao da je upućen zahtjev da se cijena električne energije za jedinice lokalne samouprave ograniči na prihvatljivi nivo i da se prepozna poseban status koje imaju općine i gradovi u FBiH.

„Kada je u pitanju neko trajnije rješenje, naš prijedlog je da se ide u pravcu izmjena Zakona o električnoj energiji gdje će se prepoznati ovaj poseban status koji jedinice lokalne samouprave imaju i koji su imali i prije donošenja ovoga Zakona. Želimo da se općinama i gradovima, kao i

Na press konferenciji u organizaciji Saveza općina i gradova Federacije Bosne i Hercegovine, koja je održana 14.12.2023. godine, u Velikoj sali Općine Centar Sarajevo, saopšteno je da Regulatorna komisija za energiju u Federaciji BiH (FERK) nije razmatrala Odluku o krajnjim kupcima od posebne društvene važnosti. Savez insistira da se jedinice lokalne samouprave i javna komunalna preduzeća i institucije

javnim preduzećima čiji su oni osnivači, da posebna tarifa koja bi ih prepoznala kao kupce od javnog interesa, odnosno posebnog značaja“, istakao je gospodin Basarić.

Član Predsjedništva Saveza, načelnik Općine Novi Grad Sarajevo, gospodin Semir Efendić, je istakao da je zahtjev Saveza da se Regulatorna komisija za energiju u Federaciji BiH pozabavi ovim pitanjem na način da iz klasičnog tržišnog modela snadbijevanja isključi ono što su javne usluge. „Nije jednostavno moguće izjednačiti bilo koju kompaniju na tržištu sa onima koji pružaju javnu uslugu. Osim toga, problem je i stalno povećanje cijena električne energije za privredu. Ono će u konačnici ipak biti fakturisano građanima“, rekao je načelnik Efendić.

Zamjenik predsjednika Predsjedništva Saveza, gospodin Hamdo Ejubović, načelnik Općine Hadžići, osvrnuo se više na nacrt Zakona o građevinskom zemljištu Federacije BiH.

„Prije tri godine krenula je inicijativa da se ovaj Zakon usavrši, da se usvoje pojedini članovi i odredbe koji će na lakši način omogućiti jedinicama lokalne samouprave da na svom području obavljaju svoju osnovnu djelatnost, a to je da upravljaju prostorom, da izdaju odobrenja za građenje i da daju mogućnosti za razvoj kantona i Federacije BiH“, pojasnio je načelnik Ejubović.

Načelnik Općine Centar Sarajevo, gospodin Srđan Mandić istakao je važnost Saveza općina i gradova FBiH, kao predstavnika jedinica lokalne samouprave koje imaju iste ili slične probleme.

„Važno je da u interesu građana zajednički i jednoglasno nastupamo. Ono što je bilo predmet naših intenzivnih aktivnosti u prošloj godini jeste pokušaj i zahtjev da se harmonizuju i usklade dva vrlo važna zakona, kada je u pitanju organizacija javne uprave lokalnih zajednica. Situacija je mnogo složena, jer tu oblast tretiraju Zakon o organizaciji organa uprave Federacije BiH, a drugi je Zakon o principima lokalne samouprave u FBiH, koji je donešen kasnije i koji je *lex specialis*. Općine i gradovi često dolaze u problem, koji od ova dva zakona primijeniti“, navodi načelnik Mandić.

Želimo da se općinama i gradovima, kao i javnim preduzećima čiji su oni osnivači, da posebna tarifa koja bi ih prepoznala kao kupce od javnog interesa, odnosno posebnog značaja.

USTAVNI SUD FBIH PONIO PRESUDU PO ZAHTJEVU SAVEZA U VEZI SA ZAKONOM O RAČUNOVODSTVU I REVIZIJI U FBIH

Ustavni sud Federacije Bosne i Hercegovine, odlučujući po zahtjevu Saveza općina i gradova Federacije Bosne i Hercegovine za zaštitu prava na lokalnu samoupravu od 30.09.2022., u vezi sa Zakonom o računovodstvu i reviziji u Federaciji Bosne i Hercegovine, na sjednici bez javne rasprave održanoj 30.11.2023. godine donio je Presudu kojom se odbija zahtjev kao neosnovan.

Savez općina i gradova Federacije Bosne i Hercegovine je 30.9.2022. godine podnio Ustavnom sudu Federacije Bosne i Hercegovine zahtjev za zaštitu prava na lokalnu samoupravu općina u Federaciji Bosne i Hercegovine. U zahtjevu je navedeno da je članom 57. stav 4., čl. 63., 64., 72., članom 127. stav 2. tač. g) i h) i stav 3. Zakona o računovodstvu i reviziji u Federaciji Bosne i Hercegovine, povrijeđeno pravo na lokalnu samoupravu općinama u Federaciji Bosne i Hercegovine propisano članom 4. stav 6. Evropske povelje o lokalnoj samoupravi, odnosno članom 56. stav 2. Zakona o principima lokalne samouprave u Federaciji Bosne i Hercegovine. Naknadno, 6.10.2022. godine, povodom istog zahtjeva, Savez je podnio i Prijedlog za donošenje privremene mjere.

Ustavni sud je u obrazloženju naveo kako se osporena odredba člana 57. stav (4.) osporenog Zakona, na koju primarno ukazuje podnosilac zahtjeva, a koja propisuje da "obaveznoj reviziji podliježu i organizacije, javne institucije i javne ustanove koje nisu obuhvaćene godišnjim planom revizije institucija u FBiH", ne može odnositi na "druge institucije" o kojima govori član 13. stav 4.) Zakona o reviziji institucija u Federaciji Bosne i Hercegovine i koje su pobrojane u članu 11. st. 2.), 3.) i 4.), pa tako ni na jedinice lokalne samouprave. Prije svega zato što njih Zakon o reviziji institucija u Federaciji Bosne i Hercegovine, kao *lex specialis* za reviziju javnog sektora, ne svrstava u kategoriju "javnih institucija", pa to ne može učiniti ni osporeni Zakon kao *lex generalis*.

Za ovu kategoriju subjekata, koje Zakon o reviziji institucija u Federaciji Bosne i Hercegovine u članu 13. stav 6.) svrstava u "druge institucije", revizija se vrši "u skladu sa godišnjim planom revizije". Prema tome, stupanjem na snagu osporenog Zakona, nije izvršen prenos nadležnosti na jedinice lokalne samouprave koji bi iziskivao prethodne obavezne konsultacije i transfer sredstava s federalnog nivoa.

Presudu možete naći na sljedećem linku: <https://bit.ly/3vkl4tf>



PETI SASTANAK MREŽE ZA JAVNE FINACIJE-FINANSIJE SOGFBIH

U Sarajevu je 23.11.2023. godine održan 5. sastanak Mreže za javne financije-finsije Saveza općina i gradova Federacije Bosne i Hercegovine, uz prisustvo više od 50 šefova odjela za finansije u jedinicama lokalne samouprave, gostiju i drugih uzvanika.



Mreža za javne financije-finsije je konsultativno tijelo Saveza općina i gradova FBiH, koje služi kao platforma za obavljanje konsultacije, usvajanje stavova i mišljenja o temama iz javnih finansija.

Na ovoj sjednici je prezentirana Analiza preuzetih nadležnosti od jedinica lokalne samouprave u FBiH, koja je pokazala da je došlo do prenosa nadležnosti i izvora finansiranja na više nivoa vlasti. Također, diskutirane su i teme oporezivanja grantova i transfera od jedinica lokalne samouprave ka nižim potrošačkim jedinicama, kao i oporezivanje rada u općinskim/gradskim komisijama, gdje su usvojeni zaključci o potrebi pojašnjenja ovih postupanja od nadležnih poreznih organa.

Članovi Mreže za javne financije-finsije također su upoznati na osnivanjem, ciljevima i načinom rada Mreže za internu reviziju, čiji članovi su također prisustvovali ovom sastanku, te je predložen i usvojen zaključak o potrebi održavanja zajedničkih sastanaka ove dvije mreže.

Mreža je također informisana i o novom načinu obračuna i naplate članarine za rad Saveza, a prisutni su podržali inicijativu da se zatraži pojašnjenje od Federalnog ministarstva finansija vezano za obračun vodne naknade za jedinice lokalne samouprave.

ODRŽANA ZAJEDNIČKA SJEDNICA KOMISIJE ZA USTAVNA I ZAKONODAVNA PITANJA I KOMISIJE ZA EKONOMSKI RAZVOJ OPĆINA I GRADOVA I FINANSIJE



U Sarajevu je 29.11.2023. godine održana zajednička sjednica Komisije za ustavna i zakonodavna pitanja i Komisije za ekonomski razvoj općina i gradova i finansije Saveza općina i gradova Federacije Bosne i Hercegovine.

Na sjednici je jednoglasno usvojena inicijativa Grada Tuzla za stavljanje van snage Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine FBiH“, broj 05/16), koja se dalje šalje Predsjedništvu SOGFBIH na odlučivanje.

Podržana je inicijativa Općine Odžak za hitno pokretanje postupka za zaštitu prava na lokalnu samoupravu u vezi sa Zakonom o poljoprivrednom zemljištu u Županiji Posavskoj.

Inicijativa Grada Zavidovići za izmjenu Pravilnika o prekomjernoj upotrebi javne ceste, jednoglasno je usvojena.

Za kraj, prezentovano je očitovanje Grada Konjica i Općine Prozor – Rama vezano za Prijedlog Zakona o izmjeni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata (skr. postupak). Zaključeno je kako primjena predložene izmjene Zakona može imati negativne posljedice po budžete jedinica lokalne samouprave, te predlažu da se povuče sa dnevnog reda. Smatraju kako jedinice lokalne samouprave imaju puno pravo na ovu naknadu te da se u slučaju izmjena i dopuna navedu kriteriji zbog kojih se donose.

ODRŽAN OKRUGLI STO "KOORDINACIJA MIGRACIJSKIH TOKOVA NA LOKALNOM NIVOU"

U Sarajevu je 7.12.2023. godine održan okrugli sto "Koordinacija migracijskih tokova na lokalnom nivou". Ova aktivnost je dio projekta "Društvena participacija ljudi u pokretu i lokalnog stanovništva u regijama domaćinima na Zapadnom Balkanu", koji provodi Savez općina i gradova Federacije Bosne i Hercegovine uz pomoć i podršku GIZ-a i NALAS-a.

Okruglom stolu su prisustvovali predstavnici pilot jedinica lokalne samouprave iz FBiH u kojima se projekat provodi (Bihać, Iliđa i Hadžići), kao i predstavnici različitih institucija: Međunarodna organizacija za migracije (IOM), World Vision International (WVI), Crveni križ Tuzlanskog kantona, Služba za poslove sa strancima i drugi.

Cilj okruglog stola jeste prezentacija dobrih praksi i rezultata analize o koordinaciji mješovitih migracijskih tokova na lokalnom nivou, poticanje dijaloga između svih zainteresovanih strana te razmjena znanja i iskustava.

SJEDNICA KOMISIJE ZA MEĐUNARODNE VEZE, SARADNJU I EVROPSKE INTEGRACIJE SOGFBH

Dana 11.12.2023. godine u Sarajevu, u hotelu Courtyard by Marriott održana je četvrta sjednica Komisije za međunarodne veze, saradnju i evropske integracije.

Na sjednici Komisije prezentovan je izvještaj „Garancija lokalne autonomije u FBiH kroz usklađenost sa standardima Evropske povelje o lokalnoj samoupravi“. Savez općina i gradova Federacije BiH je inicirao donošenje ovog izvještaja, a zbog velike neusklađenosti niza zakonskih propisa u Federaciji Bosne i Hercegovine sa Zakonom o principima lokalne samouprave u Federaciji BiH, odnosno sa Evropskom poveljom o lokalnoj samoupravi.

Na sjednici Komisije su usaglašene i teme za Zajedničku konferenciju Saveza opština i gradova Republike Srpske i Saveza općina i gradova Federacije BiH, koja je planirana za početak sljedeće godine, te je između ostalog dogovorena da jedna od tema bude i digitalizacija, kao i EU fondovi.

Damjan Jugović iz Kongresa lokalnih i regionalnih vlasti Vijeća Evrope je prezentovao članovima Komisije Izvještaj o aktivnostima predstavnika Saveza u Kongresu lokalnih i regionalnih vlasti Vijeća Evrope, kao i o aktuelnom pozivu Partnerstva za otvorenu vlast (OGP) i buduće zajedničke aktivnosti.

Članovima Komisije su predstavljene i aktivnosti Saveza općina i gradova Federacije BiH, kao i obavljeni sastanci sa višim organima vlasti, te planirani naredni koraci.



DELEGACIJA SAVEZA NA SASTANKU KOD PREDSJEDNICE FEDERACIJE

Delegacija Saveza općina i gradova Federacije Bosne i Hercegovine koju su činili predsjednik Predsjedništva **Mladen Mišurić-Ramljak**, potpredsjednik **Hamdo Ejubović** i direktorica **Vesna Travljanin** sastali su se 5. decembra 2023. godine sa predsjednicom Federacije BiH **Lidijom Bradara**. Sastanku su prisustvovali i dopremijeri, ministar finansija **Toni Kraljević**, ministar razvoja, poduzetništva i obrta **Vojin Mijatović** te ministar energije, rudarstva i industrije **Vedran Lakić**, kao i načelnik Jablanice Općine **Damir Šabanović**, načelnik Općine Centar Sarajevo **Srdan Mandić**, te uposlenici Saveza **Selma Fišek** i **Halko Basarić**.

Ovo je bio prvi sastanak predstavnika Saveza sa aktuelnim rukovodstvom Federacije, te je predloženo da se ubuduće, slični sastanci sa određenim resornim ministrima održavaju na mjesečnom nivou s obzirom da je mnogo aktuelnih tema i problema sa kojima se suočavaju lokalne zajednice.

Ministri su kazali kako senzibiliteta i spremnosti na kompromis i dijalog sa lokalnim zajednicama ne nedostaje, dok su predstavnici Saveza izdvojili određena zakonska rješenja s kojima imaju probleme u praksi. Nužno je da nadležnosti moraju pratiti i finansijska sredstva te kako prije svega, svi članovi Saveza, bez obzira na političke opcije, nastupaju zajedno u cilju zaštite interesa općina i gradova.



KOMISIJA ZA LOKALNU SAMOUPRAVU PDPFBH PODRŽALA PRIJEDLOG SAVEZA

U Sarajevu, 7.12.2023. godine održana je 4. sjednica Komisije za lokalnu samoupravu Predstavničkog doma Parlamenta Federacije Bosne i Hercegovine. Jedna od tačaka dnevnog reda bila je i Mišljenje Saveza o Nacrtu odluke o određivanju dodatnih krajnjih kupaca od posebnog društvenog značaja, koje je Savez uputio Regulatornoj komisiji za energiju - FERK-u 21.11.2023. godine, kao i Vladi FBiH, Parlamentu i Federalnom ministarstvu energije, rudarstva i industrije.



Komisija je podržala stavove Saveza iz Mišljenja i usvojilo zaključak kojim se traži od Vlade Federacije Bosne i Hercegovine i Regulatorne komisije za energiju u Federaciji Bosne i Hercegovine (FERK) da u Prijedlog odluke o određivanju dodatnih krajnjih kupaca od posebnog društvenog značaja uvrsti sve jedinice lokalne samouprave u Federaciji Bosne i Hercegovine kao i javna komunalna preduzeća i javne ustanove čiji su osnivači jedinice lokalne samouprave imajući u vidu da isti obavljaju djelatnosti od javnog društvenog interesa.

Ovaj zaključak Komisija je uputila Predstavničkom domu na prihvatanje, kao i Vladi FBiH i FERK-u u formi stava Komisije po ovom pitanju. U međuvremenu **Komisija je 18.12.2023. godine zaprimila odgovor FERK-a kojim se odbija zahtjev** uz obrazloženje kako smatraju da je obaveza zakonodavca da sve poslove od posebnog društvenog značaja jasno definiše zakonom.

Savez je također, 8.12.2023. godine uputio Vladi FBiH, FERK-u i FMERI Zaključak Predsjedništva Skupštine Saveza koja je održana 7.12.2023. godine o nužnosti uvrštavanja svih jedinica lokalne samouprave u Odluku FERK-a.

Regulatorna komisija za energiju u Federaciji Bosne i Hercegovine na sjednici koja se održala u utorak, 12.12.2023. godine povukla je sa dnevnog reda razmatranje Prijedloga Odluke o krajnjim kupcima od posebnog društvenog značaja.

U međuvremenu je, Vlada FBiH na sjednici od 11.12.2023. godine, na prijedlog Federalno ministarstvo energije, rudarstva i industrije, usvojila Odluku o ograničavanju povećanja cijene električne energije kojom je ograničila poskupljenje cijene el. energija za 20%. Odluka obuhvata sve potrošače koji se tržišno snabdijevaju.

KOMISIJA ZA LOKALNU SAMOUPRAVU PDPFBiH PODRŽALA PRIJEDLOG SAVEZA ZA USAGLAŠAVANJE ZAKONA O ORGANIZACIJI ORGANA UPRAVE SA ZAKONOM O PRINCIPIMA LOKALNE SAMOPRAVE U FBiH

Savez općina i gradova Federacije Bosne i Hercegovine je u februaru ove godine uputio *Zahtjev za hitno djelovanje u cilju osiguranja poštivanja principa vladavine prava i pravne sigurnosti, principa Evropske povelje o lokalnoj samoupravi i Zakona o principima lokalne samouprave u Federaciji Bosne i Hercegovine*. Ovaj zahtjev Savez je uputio Predstavničkom domu Parlamenta FBiH – Komisiji za lokalnu samoupravu, Domu narodu Parlamenta FBiH - Odboru za pravdu, opću upravu i lokalnu samoupravu, Federalnom ministarstvu pravde, Vladi Kantona Sarajevo i Kongresu lokalnih i regionalnih vlasti Vijeća Evrope.

Po ovom zahtjevu Saveza, 1. vanredna sjednica Komisije za lokalnu samoupravu Predstavničkog doma Parlamenta Federacije Bosne i Hercegovine održana je 21.12.2023. godine.

Nakon rasprave koja je bila usmjerena na iznošenje činjenica o potrebi usaglašavanja Zakona o organizaciji organa uprave u FBiH i Zakona o principima lokalne samouprave u FBiH, kao lex specialis propisa iz oblasti lokalne samouprave, Komisija je usvojila sljedeće zaključke:

- Komisija za lokalnu samoupravu Predstavničkog doma Parlamenta Federacije Bosne i Hercegovine predlaže Predstavničkom domu Parlamenta Federacije Bosne i Hercegovine da prihvati Zaključak kojim se od Vlade Federacije Bosne i Hercegovine traži da pristupi usklađivanju člana 49. stav 4., člana 50. stav 3. i člana 52. stav 1. tačka (3) i (4) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) sa odredbama člana 15. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09) uvažavajući poseban karakter i prioritet Zakona o principima lokalne samouprave u Federaciji Bosne i Hercegovine u reguliranju pitanja koja se odnose na lokalnu samoupravu u Federaciji Bosne i Hercegovine.

- Traži se od Vlade Federacije Bosne i Hercegovine da po hitnom postupku formira Radnu grupu sa zadatkom utvrđivanja liste zakona sa federalnog nivoa koje je potrebno usaglasiti sa Zakonom o principima lokalne samouprave u Federaciji Bosne i Hercegovine („Sl. novine FBiH“, br. 49/06 i 51/09), u koju će uključiti predstavnike Komisije za lokalnu samoupravu i predstavnike Saveza općina i gradova FBiH.

Ove zaključke Komisija će uputiti Predstavničkom domu na razmatranje.

Također, Odbor za pravdu i opću upravu Predstavničkog doma Parlamenta Federacije Bosne i Hercegovine će raspravljati o istom Zahtjevu Saveza u narednim danima.

Komisija je usvojila i zaključak kojim se traži od Vlade FBiH da po hitnom postupku formira Radnu grupu sa zadatkom utvrđivanja liste zakona sa federalnog nivoa koje je potrebno usaglasiti sa Zakonom o principima lokalne samouprave u FBiH

AKTIVNOSTI NA IZRADI PREDNACRTA ZAKONA O VODNIM USLUGAMA U FBiH PRIVODE SE KRAJU

Savez općina i gradova Federacije Bosne i Hercegovine je Rješenjem federalnog ministra poljoprivrede, vodoprivrede i šumarstva član Interresorne radne grupe za izradu Prednacrtu Zakona o vodnim uslugama u Federaciji Bosne i Hercegovine, sa svoja dva predstavnika gospodinom Hamzalićem Hojkurićem (Općina Tešanj) i gospođom Nasirom Kurtović (Općina Travnik). Aida Kurbegović, ispred Stručne službe Saveza redovno prati rad Interresorne grupe.

Održano je ukupno pet sastanaka radne grupe. Prvi sastanak je održan u Sarajevu, dana 14.09.2023.godine, drugi sastanak je održan 03. i 04.10.2023. godine u Sarajevu, treći sastanak je održan 17. i 18.10.2023. godine u Travniku, a četvrti sastanak je održan 06. i 07.11.2023. godine u Mostaru. Peti i posljednji radni sastanak održan je u Sarajevu, 05. i 06.12.2023. godine.

Ovim Zakonom uređuje se institucionalni okvir za pružanje vodnih usluga, upravljanje, održavanje i izgradnju infrastrukture, način utvrđivanja cijene vodnih usluga i pitanja od značaja za pružanje vodnih usluga u Federaciji BiH. Radi se o jako bitnom zakonu, koji se prvi put donosi na nivou Federacije Bosne i Hercegovine.

Nakon održanog zadnjeg sastanka, ukoliko se ukaže potreba Federalno ministarstvo poljoprivrede, vodoprivrede i šumarstva će obaviti pojedinačne sastanke sa članovima radne grupe, između ostalih i sa predstavnicima Saveza općina i gradova Federacije BiH.

ODRŽAN SEMINAR NA TEMU „ODNOSI SA JAVNOSTIMA U JEDINICAMA LOKALNE SAMOUPRAVE“

U organizaciji Saveza opština i gradova Republike Srpske i Saveza općina i gradova Federacije Bosne i Hercegovine, 14. decembra 2023. godine u Bijeljini, Etno selo „Stanišić“ održan je seminar na temu „Odnosi sa javnostima u jedinicama lokalne samouprave“.

Seminar je vodio Željko Vojinović, stručnjak za odnose sa javnošću koji je na interaktivan način obradio teme od praktičnog značaja iz ove oblasti.

Cilj seminara je bio da se učesnicima prenesu nova znanja i vještine iz oblasti odnosa sa javnošću i time poboljša interna i eksterna komunikacija općina i gradova. Učesnici su imali priliku da dobiju dodatna znanja i vještine iz oblasti uloge i značaja odnosa s javnošću, verbalne i neverbalne komunikacija, funkcije PR komunikacije u jedinicama lokalne samouprave, te istraživanja u odnosima sa javnostima.

Na seminaru su učešće uzeli uposlenicima službi za odnose s javnošću jedinica lokalne samouprave iz oba entiteta.

Predavač, Željko Vojinović je direktor agencije za politički menadžment i marketing SENAT, član Udruženja novinara Srbije i Međunarodne federacije novinara. Autor je, realizator i savjetnik, brojnih političkih kampanja u Srbiji, Crnoj Gori i Bosni i Hercegovini. Autor je knjige "Od kandidata do odbornika", kao i brojnih stručnih radova iz oblasti političkog marketinga i menadžmenta.

Seminar je održan u okviru Projekta "Jačanje saveza općina i gradova u Bosni i Hercegovini", kojeg finansira Kraljevina Švedska i Švajcarska Konfederacija.

Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.